



UNIVERSITÄTS-
BIBLIOTHEK
PADERBORN

Universitätsbibliothek Paderborn

Epistolarvm Innocentii III. Romani Pontificis Libri Vndecim

Innozenz <III., Papst>

Parisiis, 1682

Petro Compostellano Archiepiscopo, ejúsque successoribus canonicè
substituendis, in perpetuum.

urn:nbn:de:hbz:466:1-20006

nini, à te, frater Archiepiscopo, apud sedem apostolicam permanente nonaginta marabutinatorum uncias repeteret nomine pupillorum, dilecti filij concanonici vestri ei pro bono pacis quadraginta malachinos per manus dilecti filij Mar. Capellani & Subdiaconi nostri dederunt. Ipse verò coram nobis omni juri renuntiavit quod adversus Compostellanam Ecclesiam pupillis competeret memoratis. Ne autem quod in præsentia nostra factum est, ulterius in dubium revocetur, præsentibus vobis litteras in factæ resignationis testimonium duximus concedendas. Datum Laterani II. Idus Iulij.

MART. BRACAREN.
Archiepiscopo.

Epist. 138.
Datis à Rege
Bracarenfi Ec-
clesiæ decimas
confirmat.

CVM à nobis petitur &c. usque ad verbum effectum. Sanè significasti nobis in nostra præsentia constitutus quòd cum carissimus in Christo filius noster Portugaliæ Rex illustris quasdam possessiones dilectis filiis fratribus Militiæ Templi concesserit, receptis ab eis in permutationem duobus castris, scilicet Mugatorio, & Petrasroias, quæ idem fratres habuerant in diocesi Bracarenfi, Rex ipse tertiam partem decimarum quas dicti fratres prius perceperant in Ecclesiis castrorum ipsorum, pietatis intuitu concedi fecit Ecclesiæ Bracarenfi. Nos igitur tuis precibus annuentes, decimas ipsas, sicut legitime concessæ sunt Ecclesiæ Bracarenfi, & tu eas justè possides, & quæ tibi & per te ipsi Bracarenfi Ecclesiæ, auctoritate apostolica confirmamus, & præsentis scripti pagina communimus. Nulli ergo &c. nostræ confirmationis &c. Datum Laterani III. Idus Iulij.

PETRO COMPOSTELLANO
Archiepiscopo, ejusque successoribus ca-
nonicè substituendis, in perpetuum.

Epist. 139.
Vt Ecclesia
Compostella-
na posthac me-
tropolitana ha-
beat.

IN eminenti apostolica sedis specula disponente Domino constituti &c. usque ad verbum assensu, ad exemplar prædecessorum nostrorum felicis record. Calixti, Anastasij, Alexandri, & Lucij Romanorum Pontificum Compostellan. beati Iacobi Ecclesiam, cujus in ea venerandissimum corpus est positum, apostolicæ sedis privilegio communimus, & ob ipsius à Deo electi Apostoli reverentiam archiepiscopalis cathedræ dignitatem, quam opulentissima quon-

dam & famosi nominis Emeritana civitas, prius quàm peccatis exigentibus ab impia Sarracenorum tyrannide possideretur, habuisse dignoscitur, præsentis scripti pagina in perpetuum confirmamus, statuentes ut eadem Emeritana civitas, si ad potestatem Christianorum Domino donante redierit, Episcopum habeat, qui Compostellano Archiepiscopo sicut Metropolitano suo debeat perpetuò subjacere. Omnem quoque pontificalis officij plenitudinem, quam ipsius Emeritanæ Ecclesiæ antistites antiquitus habuerunt, Compostellanensis Præsul Ecclesiæ integrè semper obtineat & quietè. Suffraganei verò Episcopi Emeritanensis metropolis, qui per Lusitaniam provinciam vel modò sedes proprias obtinent vel in futurum per Domini misericordiam obtinuerint, Salamantinus videlicet, Abulensis, Cauriensis, Civitatisensis, Placentinensis, Pacensis, Oxonobensis, & præterea Lamecensis, & Egitanensis, nec non Vlixbonensis, & Elborensis, sicut in nostris sententijs continetur, Compostellano Archiepiscopo, cujus consecratio ad Romanam tantum Ecclesiam spectat, obedientiam & reverentiam tanquam proprio Metropolitano prorsus exhibeant. Ipse autem illos consecrandi, ad sua Concilia convocandi, cum ipsis etiam ecclesiastica negotia terminandi, & eorum Ecclesias disponendi, auctoritate sedis apostolicæ liberam omnino habeat facultatem. Prohibemus autem ut nulli Canonorum ejusdem Ecclesiæ beati Iacobi, qui ad aliarum Ecclesiarum prælationem assumpti sunt, vel in posterum assumantur, honorem vel præbendam seu canonicatum in ipsa Ecclesia liceat retinere, sed alia idonea persona in loco ipsius subrogetur, quæ ipsi Ecclesiæ deserviat, & ejusdem beneficium sortiatur. Illum etiam censum qui Vota dicitur, quem Hispanorum catholici Reges ex singulis boum paribus à flumine Pisorga usque ad mare occidentale & per totam Lusitaniam provinciam atque etiam in Toletto & Transferram annuatim persolvendum pro salute totius terræ liberaliter statuerunt, eidem Ecclesiæ confirmamus, & omnimodis interdicimus ut nulli fas unquam sit eum ipsi Ecclesiæ qualibet occasione subtrahere. Obvinte verò te &c. Præterea quascunque possessiones &c. usque ad verbum

vocabulis. Civitatem ipsam Compostellam cum castro suo, cum Ecclesiis & monasteriis infra eam vel ejus territorium constitutis, cum omni jure ram dioecesano quam regali, & cum terminis totius episcopatus, videlicet cum archiepiscopatibus de Morracio & de inter ambos pontes de montibus utriusque, de Taberjolis, & de Ciria, de Pilonio, & de insula Laonij, de utroque Coronato, de Dormian, & Superaddo, & Aranga, & monte Iaurino quomodo dividitur, cum Parrega de Pruciis & de Bifauciis, cum tota interjacenti dioecesi, à castello sancti Pelagij de Luco usque Transancos, monasteria quoque omnia, & conventuales seu alias Ecclesias infra hos terminos constitutas, cum omni jure parochiali, & quæ intra regalia beati Iacobi continentur, cum omni seu patronatus seu alio jure quod ad Reges pertinet, videlicet monasterium sancti Pelagij de ante altaria, monasterium sancti Martini de Foris, Ecclesiam sanctæ Mariæ de Sara, monasterium sanctæ Mariæ de Canogio, monasterium sancti Petri de Foris, monasterium sancti Iusti de Luania, monasterium de Superaddo, de Azivario, de Codeseda, de Mosonzo, de Ciniis, de Monteferro, de Borgondo, de Nogaria, de Solandres, de Calavario, de Siavia, de Rivomalo, de Moriame, de Ozon, de Savarde, de portu Orij, de Nometi, de Civitio, de Briviis, de Meis, de Dormian, de Calago, de Podio, de Lerze, de Armentaria, de Harcos, & monasterium sancti Iohannis de Cavea, sancti Christophori, sancti Vereximi, sancti Georgij, sancti Thomæ de Pimario, & sancti Iacobi de Ermello. Præterea regalem capellaniam & cancellariam quam bonæ memoriæ Alfonso illustris Hispaniæ Rex Ecclesiæ vestræ concessit & scripti sui pagina roboravit. Castrum quoque quod vocatur Honestum, & Iriam, cum servis & omnibus appendiciis suis. Castrum quod vocatur Sancta Maria de Lanceata, cum Ecclesiis & omnibus pertinentiis suis. Castrum quod vocatur Ciria, cum Ecclesiis & omnibus pertinentiis suis. Castrum quod dicitur Citofacta, cum Ecclesiis & omnibus pertinentiis suis. Castrum quod dicitur Cathobadi, cum pertinentiis suis. Castrum Daravum, cum villis & Ecclesiis & omnibus pertinentiis suis. Castrum quod dicitur Luparia, cum Ecclesiis & perti-

nentiis suis. Territorium quod vocatur Amaea, cum omnibus possessionibus quas ibi habetis. Pistomarcos cum servis & possessionibus quas in eo habetis. Bifertium cum servis quos ibi habetis. Dubriam cum possessionibus quas ibi habetis. Lanas cum pertinentiis suis. Lucrosam cum servis & pertinentiis suis. Montanos cum Ecclesiis & possessionibus quas ibi habetis. Coronatum cum possessionibus quas ibi habetis. Ventosam cum insula de Laonio. Montes quos quandoque Suarius Friolæ à vestra Ecclesia tenuit, cum altera medietate integros. Burgum de Ponte veteri, cum pertinentiis suis. Taveiriolos cum Ecclesiis & possessionibus quas ibi habetis. Ripam Vliæ cum Ecclesiis & possessionibus quas ibi habetis. Deciam cum possessionibus & Ecclesiis regalibus & omnibus pertinentiis suis. Terram de Superaddo integram cum pertinentiis suis. In eadem Decia monasterium sancti Laurentij de Carbonario, quod Ecclesiæ Compostellanae secundum jus patronatus adjudicatum est per sententiam dilecti filij nostri G. S. Angeli Diaconi Cardinalis tunc apostolicæ sedis Legati. Medietatem Burgi de Faro cum pedagio navium & jure fisci. Villas de Ceeia in Nemanco, & de Oca in Bregantin, de Leiloio in Seia, de Avegundo, Piaveladegio, Liure, & de Ruis in Endis, de Tooure in Pruciis, cum cunctis Ecclesiis & pertinentiis suis, & alias Ecclesias seu possessiones quas jure proprietatis extra fines regalium vestrorum per eundem episcopatum habetis. In episcopatu quoque Mindunien. Ecclesiam sancti Laurentij de arbore, cum Castro quod dicitur villa de Maures, & villam Petri cum Ecclesia sua, & Ecclesias de Rivo averso, & sanctæ Eolaliæ altæ, & de Radigosa, & sanctæ Mariæ de Turre, & sancti Martini de Palatiis, cum omnibus pertinentiis suis. In episcopatu Lucensi villas de Recelli & de Cela. In episcopatu Auriensi, villas de Amarante, de Iouin, & de Vite, & de Villari Regis, & medietatem Souti de Parata. In episcopatu Tuden. castrum quod dicitur de Molis, cum omnibus Ecclesiis intra ipsum contentis, & monasterium de Cela, & villas de Lazorio, Baldranes, Lamala, & Nugaria. In episcopatu Bracaren. villas de Cornelian, cum Ecclesiis suis, & Moaci, & Gandufi, cum montibus, exitibus, & pertinentiis

432 Epistolarum Innocentij III.

fuis. In valle Carceris, hospitale quod dicitur Anglorum, cum Ecclesia sua, & aliam Ecclesiam quæ ipsi ex eadem parte superjacet, & villas de Tabladelo & de Parata. In episcopatu Astoricens. villas de Cacavell. cum Ecclesia sua, & de Carvallial, & Ecclesiam sancti Iacobi de Requeixo, de Sanabria. In episcopatu Legionen. domos quæ fuerunt Archidiaconi Thomæ. In ipsa civitate villam de Ledigos, cum Ecclesia sua, & partem villæ de Furones, cum omni jure quod habetis in Ecclesia. In ripa Estolæ, villam Alexis, & villam Leandri, cum Ecclesiis suis, & juxta monasterium sancti Facundi, villam Cerame. In episcopatu Palentin. Ecclesiam sancti Michaëlis de Vallouria, & villam dictam Saungelo de Raaces, cum pertinentiis suis, & omni jure regali, sicut Alphonsus illustris Castellanos Rex Ecclesiæ beati Iacobi eam donasse dignoscitur. In episcopatu Overensi, in villa Olerxida, omnes Ecclesias, & in Benevento, Ecclesiam sanctæ Mariæ de Ventosa. In Asturiis, Ecclesias sancti Iohannis de Cerreda, & villam Armillum, cum hospitali quod est in Strata, cum montibus & omnibus pertinentiis suis. In episcopatu Zamoren. villas & Ecclesias de Arquilinis & de Arcos, & Ecclesiam sancti Iacobi de Zamora, villas de Palatiis & de Spino & de Aldeola cum Ecclesiis suis. In Episcopatu Salamantin. villam de Munigno, Asnar cum Ecclesiis suis, & villam quæ dicitur Ecla, & villam Biluestre cum jure regali, & Ecclesiam sancti Martini de Ledesma, & alias Ecclesias vel possessiones quas in prædictis episcopatibus habetis. In episcopatu Caurien. Castrum quod dicitur Artalaia Pelagij, videlicet cum terminis suis, & Ecclesiam de Granata, quæ dicitur sancti Iacobi, cum domibus & piscariis & aliis possessionibus quas ibi acquisistis. Ecclesias quoque & possessiones quas in Vasconia & in Italia & in aliis partibus orbis per diversos episcopatus habetis. Decernimus ergo &c. Salva in omnibus apostolicæ sedis auctoritate. Si qua igitur &c. Datum Laterani per manum Rainaldi Acheruntini Archiepiscopi, Cancellarij vicem agentis, secundo Idus Iulij, Indictione secunda, Incarnationis Dominicæ anno MCXCIX. Pontificatus verò Domini Innocentij Papæ III. anno secundo.

MARTINO BRACARENSE
Archiepiscopo.

CVM à nobis petitur &c. usque ad verbum assensu, sententiam à venerabili fratre nostro Portugallen. Episcopo & dilecto filio I. Cantore Tuden. à venerabili fratre nostro Tuden. Episcopo delegato in causa quæ inter te & Abbatem de Castro super decimis Bracantiæ vertebatur, apostolicæ sedis auctoritate prolatam, sicut rationabiliter lata est, nec legitima appellatione suspensa, auctoritate apostolica confirmamus, & præsentis scripti pagina communimus. Decernimus ergo &c. Datum Laterani XVI. Kal. Augusti.

VNIVERSIS CHRISTI
tam in urbe Metensi quàm ejus diocesi
constitutis.

CVM ex injuncto nobis apostolatus officio facti simus secundum Apostolum sapientibus & insipientibus debitores, pro universorum salute nos oportet esse sollicitos, ut & malos retrahamus à vitijs, & bonos in virtutibus foveamus. Tunc autem opus est discretionem majori, cum vitia sub specie virtutum occultè subintrant, & angelus Sathanæ se in angelum lucis simulatè transformat. Sanè significavit nobis venerabilis frater noster Metensis Episcopus per litteras suas quòd tam in diocesi quàm urbe Metensi laicorum & mulierum multitudo non modica tracta quodammodo desiderio scripturarum, evangelia, epistolas Pauli, psalterium, moralia Iob, & plures alios libros sibi fecit in Gallico sermone transferri, translationi hujusmodi adeo libenter, utinam autem & prudenter, intendens, ut secretis conventionibus talia inter se laici & mulieres eructare præsumant, & sibi invicem prædicare: qui etiam aspersionem eorum consortium qui se similibus non immiscant, & à se reputant alienos qui aures & animos talibus non apponunt: quos cum aliqui parochialium sacerdotum super his corripere voluissent, ipsi eis in faciem resisterunt, conantes rationes inducere de scripturis quòd ab his non deberent aliquatenus prohiberi. Quidam etiam ex eis simplicitatem sacerdotum suorum fastidiunt, & cum ipsis per eos verbum salutis proponitur, se melius habere in libellis suis, & prudentius se posse id eloqui, submur-

Epist. 140.
Quod sententiam Portugallensis Episcopi in causa decimarum confirmet.

Epist. 141.
Laici non pigdicent, nec occultata faciant, nec sacerdotes reprehendant.
Cap. Cùm ex injuncto. De heretico.